

M
H A R A N G V E
D V R O Y C H A R L E S N E V -

F I E S M E A M E S S I E V R S

de la Court de Parlemēt
à Paris, tenant son fie-
ge royal, & liēt
de Iustice.



A P A R I S,

Chez M^c Locqueneulx, Libraire au mont
saint Hilaire, à la Concorde.

M. D. LXXIIII.

A V E C P E R M I S S I O N.

5710K A 1574c

Case
F
39
326

1574c.

THE NEWBERRY
LIBRARY

most common form of the word

is found in the

most common form of the word



HARANGVEDV

ROY CHARLES NEV-

FIESME A MESSIEVRS DE

la court de Parlement à

Paris, tenant son siege

royal, & liēt de

iustice.



ANT plusie cōsidere

la dure & diuerse for-

tune que i'ay couruë

depuis mon aduene-

ment à la couronne,

plus i'ay à louer dieu,

& luy rendre graces de la protection

A ij

qu'il a prise de mes ieunes ans, contre l'iniure du temps. plus aussi ie cognoy l'obligation que i'ay à la Royne mere, laquelle me voyant entrer en mon regne, en si bas aage, que ie ne pouuois par nature auoir encores acquis l'experience, & iugement necessaire pour gouverner de moy-mesme vn tel estat, embrassa la charge de mes affaires, pour l'incomparable affectiō qu'elle me portoit : & depuis a tousiours soustenuë avec telle force & prudence, tant de labeur, de soing, & de vigilance, que ie cōgnois luydevoir apres Dieu, le salut de moy & de mon royaume.

Duquel voyant maintenāt les troubles par la prouidence diuine appeaisez, & moy en l'aage avec les ans, elle m'a donné congnoissance de ce qui plus appartient à l'honneur & de-

uoir de bon Roy : ce que sur toutes choses de ce monde ie desire , & de pouuoir establir si seurement le repos de mes suiects, qu'ils ne retourneront iamais aux calamitez qu'ils ont souffertes, & que par le benefice de la paix ie peux guarir & resfouldre les playes faictes par l'iniure des troubles.

Comme ie voy que pour l'effect de mon intention il est tresnecessaire de mettre viuement la main à l'œuvre : Je suis bien resolu de le faire, sans perdre temps, me confiant & appuyant tousiours sur la prudence de la Roync ma mere : laquelle ne faudra en si bon œuvre m'ayder, selon son zele accoustumé.

Je m'asseure aussi que mon frere le Duc d'Anjou s'y euertuëra de sa part autant que ie le desire. Il a ia par si bõs tesmoignages fait preuue de sa vertu,

il m'a porté si singuliere affection, & en toute chroſes rendu tant d'obeiſſances, que pour ces conſiderations, & pource qu'il eſt mon frere: que ſa proſperité deſpend de la mienne, & qu'il a plus d'intereſt que nul autre apres moy, au bien de mon eſtat: Ie luy ay donné la ſuperintendance & charge principale de mes affaires, biẽ certain qu'il s'en acquitera treſdignement, & à mon contentement, ſelon la fiance que j'ay de luy.

Mõ frere le Duc d'Alençon luy aydera doreſnauãt à porter ce faiz. Voulant en ſecond lieu pour la fraternelle amitiẽ que ie luy porte, & pour ſes merites, me reposer ſur luy de toutes les honorables charges que ie luy pourray departir. Comme donques ie ſeray ſecouru de leur trauail & vigilance, j'eſpere avec le bon conſeil

d'eux, & des Princes, Seigneurs, & autres notables personnages de mon conseil, que Dieu fauorifant ma bonne intention, me fera la grace de remettre mon royaume en sa force & splendeur.

Or c'estant auiourd'huy presentee l'occasion de venir en ce lieu, suiuant la louable coustume des Rois, mes predecesseurs: i'ay voulu vous rendre participans de ma deliberation, & sur icelle vous declarer aucuns poincts appartenans à vostre estat & profession, affin que informez de ma volonté, vous y acquittiez le deuoir que ie recherche.

Je vous diray que des maux aduenuz en mon royaume par la malice du temps, celuy que plus desplore, & auquel ie trouue le remede plus difficile, est la corruption des

HARANGVE DV

mœurs en toutes sortes d'hommes,
& de la discipline en tous Estats.

En quelque part de mon royaume
que ie tourne les yeux, ie voy les cho-
ses desuoyees de leur droict chemin,
desordonnees & confuses, speciale-
ment l'estat de la iustice si desreiglé,
qu'à peine y voit lon plus l'ancienne
marq̃ de la religion & discipline qui y
doit estre. Je n'entends pas disant ce-
la, faire preiudice à l'honneur des gēs
de bien, mais vous declarer avec mon
grand regret vne verité que nul ne
peut ignorer. Parquoy, d'autant que
de la iustice principalement despend
la prosperité d'un estat, & le repos
des suiets d'iceluy: I'ay proposé pro-
ceder viuement à la reformation des
abus, en quoy ie desire que vous, su-
perieurs des autres iuges en l'admini-
stration

stration de la iustice, faciez les premiers vostre deuoir, & vous ayans cest honneur de me représenter en ce lieu, siege premier & plus ancien de ma souueraine Iustice: commencez par vous mesmes à reuoquer les abus qui peuent estre par cours de temps entrez en ceste compagnie. A laquelle par l'auctorité que ie luy donne ie communique ma plus royale preeminence. Ie me repose sur elle de la charge dont ie suis resposable deuant Dieu, & redeuable enuers mes suiectz la vie & l'honneur desquels i'ay mis en vos mains. Toutes lesquelles choses signifient assez la bonne cōscience & integrité de vie qui deueroit estre en vous ie vous admoneste dōcques de rechercher soigneusement, s'il y a q̃lqu'vn d'entre vous taché de vice qui ne soit tolerable, & le corriger san

difficulté, sur laquelle arretiez qu'il me faille faire remonstrances, faiôtes les sans vser de longueur. Je les orray tousiours volôtiers, mais aussi ie veux q vous ayant apres declaré mon intention, vous y obeissiez sans entrer en dispute avec moy, qui suis vostre Roy & maistre: qui congnois mieux que vous que se doibt, & peut faire pour le bien & necessité de mō estat. Des affaires duquel ie ne veux souffrir qu'entreprenies congnoissance, laquelle ie reserue à moy seul. Parquoy regardez à vous contenir modestement dedans les bornes de vos estats, qui sont establis seulement pour l'administration de la iustice, correction des crimes, & faire obseruer mes Edits & ordōnances. Obeyssans à mes commandemens, i'auray occasion de me louer de vous, & vous gra-

H A R A N G V E D V

dissimulation: affin que le scandale,
 & le blasme ne redonde sur tous. Ne
 souffrez auarice demourer en ceste
 maison. Chassez-en tuotes factions
 & parialitez. N'y permettez brigues
 ny menees, vice trop repugnans à iu-
 stice. Desquels neantmoins ie voy
 que en l'opinion des hommes, ceste
 compagnie n'est pas exempte. Ie le
 vous dis mal volontiers, mais cest
 affin que vous y pouruoyez, & que
 voz bons deportemens à l'aduenir
 esteignent ce blasme de l'opinion des
 hommes. Au demeurant ie vous com-
 mande de garder estroctement mes
 Edicts, & Ordonnances. Et pencez
 que ie vous ay mis en ce lieu pour o-
 beyr à mes loix, non pour leur com-
 mander ny les mespriser. Si sur la ve-
 rification des Edits, ou autres lettres
 que ie vous enuoyray vous trouuez

tifier des honneurs & loyers condignes à voz merites. Qui les mesprisera, ne deura trouuer estrange s'il tombe en mon indignation. I'ordonne à vous Presidens, de vous assembler avec quatre Conseillers de ma Court tels qu'elle deputera : à tels iours & heure extraordinaire que vous aduiſerez, & au lieu que bon vous ſemble ra: ſoit en ce palais, ou l'une de voz maiſons : & en ſemble regarder ce que iugerez expedient pour le bien de ma iuſtice, & reformatiō des abuz qui ſ'y commettent : dont vous drefſerez memoires & articles, que vous m'enuoyrez le plus promptemēt que faire ce pourra.

Effect.

Les choſe n'eſtant encor biē appeſees pour les ſiniſtres impreſſion des

ceux qui estoient coustumiers de
brouiller tout, & troubler l'estat du
royaume, ceste sainte, & necessaire
reformation a eu surseance: mais i'ay
espoir en Dieu, que le Roy ayant don-
né vn tel commencement au bõ heur
& felicité de sa couronne, en arra-
chant les semences de rebellion, qu'il
effectuera ce qui reste pour le comble
de sa gloire, & pour le repos de ses
subiects, & bien vniuersel de la repu-
blique Chrestienne.

F I N.

THE HISTORY OF THE

REIGN OF CHARLES THE FIRST
BY JOHN BURNET
OF THE UNIVERSITY OF OXFORD
M.D.C.LXXII.
LONDON: Printed by J. Streater, at the
Sign of the Gun, in St. Dunstons Church-yard.
1672.

1672



